



2022 TATOLI!

Levantamentu Persepsaun Públiku

2022

TATOLI!

Levantamentu Persepsaun Públiku

Fundasaun Ázia nia Levantamentu Persepsaun Públiku 2022 Tatoli! no publikasaun ida-ne'e hetan finansiamentu husi Governu Australianu através Ministériu Negósiu Estranjeiru no Komérsiu. Opiniaun sira mak hato'o iha publikasaun ida-ne'e nu'udar autór nian mesak no la nesesariamente reprezenta opiniaun husi Governu Australianu nian.

ÍNDISE

Introdusaun	1
Metodolojia	2
Empregu, Rendimentu, no Bein-estár	3
Kestaun Prinsipál sira ne'ebé Timor-Leste hasoru	12
Funsaun Governu nian, Dezempeñu no Prioridade sira	16
Prestasaun Servisu	20
Persepsaun Polítika	25
Persepsaun kona-ba Korupsaun	28
Utilizasaun ba Media no Informasaun	31
Aneksu 1: Perfil Respondente	36
Aneksu 2: Metodolojia Detallada	38

INTRODUSAUN

Antesedente

Desde 2013, Fundasaun Ázia (Fundasaun) halibur ona pontudevista no opiniaun husi populasaun Timor-Leste nian liuhusi ninia Levantamentu Persepsaun Públiku Tatoli! (Levantamentu Tatoli!).

Relatóriu ida-ne'e apresenta deskoberta sira husi Fundasaun Ázia nia Levantamentu Tatoli! ba dahituk nian ne'ebé realiza entre fulan Janeiru no Feveireiru 2022. Fundasaun halo entrevista ho amostra ida nasionalmente representativu husi ema adultu nain 2,489 (ho marjen erru $\pm 2\%$), através ninia organizasaun enumerasaun parseira sira. Levantamentu ne'e halibur informasaun kona-ba populasaun ninia empregu, rendimentu no bein-estár ekonómiku, nune'e mós ho sira-nia persepsaun kona-ba:

- Nasaun ne'e nia diresaun,
- Governu nia funsaun sira, prestasaun servíu no dezempeñu,
- Governasaun no polítika, no
- Utilizasaun ba fontes notísias no informasaun.

Kada iterasaun husi Levantamentu Tatoli! nian ne'e mantein perguntas barak ne'ebé hanesan. Ida-ne'e permite komparasaun ida longitudinal kona-ba populasaun Timor-Leste nia persepsaun no prioridade sira nakait ho kestaun xave sira. Pergunta balun mós aumenta no/ka modifika ona hodi adapta ba nasaun ne'e ninia kontestu ne'ebé hetan mudansa konstante, inklui pandemia COVID-19 ne'ebé sei eziste nafatin.

Kontestu

Fundasaun Ázia realiza Levantamentu Tatoli! 2022 entre loron 21 Janeiru no 02 Feveireiru 2022. Iha tinan antes ba levantamentu ne'e, Timor-Leste sei senti nafatin efeitos husi COVID-19, inklui aumentu iha númeru infesaun nian iha meadu ikus tinan 2021 nian tanba variante Delta, no dala ida tan iha fulan Janeiru tanba variante Omicron. Governu Timor-Leste (Governu TL) lidera kampaña vasinasaun ida alargada. Iha momentu hakerek relatóriu ida-ne'e (Maiu 2022), 80% resin husi populasaun adultu nian mak simu ona doze ida no 63% resin mak simu ona doze daruak husi vasina kontra COVID-19 nian. Vasinasaun, kombinadu ho kuarentena, lockdown no medidas serka sanitária nian, serve hodi minimiza propagasaun husi vírus ne'e. Entantu, Timor-Leste sofre impaktu ekonómiku no sosiál ne'ebé signifikante husi pandemia ne'e no medidas respostas ne'ebé akompaña. Kontestu ne'e hetok agrava liutan dezigualdade no vida-susar ne'ebé enfrenta husi grupu sira ne'ebé vulnerável nanis ona, partikularmente partikularmente feto no labarik sira.

Iha fulan Abril 2021, siklone tropikal Seroja hamosu inundasaun maka'as tebes iha rai-laran, haboot liutan impaktus sócio-ekonómiku husi pandemia COVID-19. Inundasaun ne'e hamosu estragus ba infraestrutura esensiál sira no husik hela ema 70,000 resin mak moris laiha bee-mos no/ka asesu limitada ba fontes bee potável, no mós rezulta iha ema nain 15,876 mak obrigadu tenki ba hela iha fatin evakuasaun temporária no ema nain 46 mak lakon sira-nia vida. Governu TL deklara Estada de Kalamidade ne'ebé hotu to'o iha loron 04 Agostu 2021, no halo estimativa ba kustu husi estragu nian ne'e liu millaun USD 300 resin (millaun AUD 412).

Aleinde pandemia ne'ebé sei la'o hela no recuperasaun husi inundasaun nian, iha momentu halo Levantamentu Tatoli! 2022, Timor-Leste hahú halo tranzisaun polítika iha fulan 18 nia laran ho eleisaun Prezidensiál iha fulan Marsu no Abril 2022 no eleisaun Parlamenta ne'ebé tuir planu sei hala'o iha meadu dahuluk tinan 2023 nian.

METODOLOJIA

Dezeñu ba Amostra

Levantamentu Tatoli! 2022 nian halo entrevista ho ema adultu nain 2,489 (17+) husi munisípiu¹ sanulu resin-tolu hotu. Amostra ne'e kompostu husi mane nain 1,225 no feto nain 1,226, respondente transjéneru nain ida, respondente naun-binária nain ida no iha respondente nain 36 mak lakohi atu fó-sai sira-nia jéneru. Amostra ne'e estratifikadu tuir munisípiu no jéneru uza estimativa númeru populasaun mais resente sensus nasional 2015 nian husi Diresaun Nasionál Estatística, Ministériu Finansa.

Dadus ne'e ponderadu hodi representa populasaun adulta iha Timor-Leste. Bazeia ba eskema ponderasaun anteriór nian sira, informasaun ne'ebé disponível iha Sensus Timor-Leste no dadus levantamentu 2022 nian, mak utiliza variável haat tuirmai ne'e hodi halo ponderasaun: jéneru, idade, munisípiu, no dezignasaun urbana/rurál.

Koleta ba Dadus

Levantamentu Persepsaun Púbiku Tatoli! 2022 nian ne'e hala'o iha Timor-Leste entre loraon 21 Janeiru no 02 Feveiru 2022. Fundasaun nia ekipa levantamentu dezeña no kodifika kestionáriu ba levantamentu nian uza tablets Entrevista Pesoál ho Asisténsia Komputadór [Computer Assisted Personal Interview] (CAPI). Ekipa sanulu resin-tolu ne'ebé kompostu husi total enumeradór nain 70 husi Rede ba Peskiza no Advokasia Timor-Leste [Timor-Leste Research and Advocacy Network (TRAIN)] ne'ebé halo entrevista direta iha nível uma-kain. Fundasaun lidera garantia ba qualidade durante no depoisode koleta ba dadus.

Marjen erru nian

Ba Levantamentu Tatoli! 2022, amostra estratifikada aleatória husi respondente nain 2,489 mak entrevistadu iha munisípiu sanulu resin-tolu hotu. Iha nível nasional, marjen erru másimu ba amostra estratifikada aleatória ida-ne'e husi $n=2,489$, proporsaan estimativa $p=0.5$, no intervalu konfiansa porsentu 95 nian mak porsentu $\pm 2\%$. Metodolojia levantamentu nian ne'e dezeña atu hafó marjen erru ida adekuada hodi realiza levantamentu nasional ida. Marjen erru sira nível munisípiu nian ne'e naturalmente aas liu.

Notas ba Leitór

Iha relatóriu nia laran, rezultadu sira hatudu iha nível jerál hafoin ponderasaun estatística. Bainhira eziste diferença ne'ebé estatistikamente signifíkativa bazeia ba jéneru ka lokalidade (Dili iha komporasaun ho respondente sira makhela iha Dili nia lí'ur), pontu hirak ne'e deskreve iha parte komentáriu. Bainhira la nota diferença ruma, ne'e katak laiha diferença ne'ebé estatistikamente signifíkativa.

Iha fatin balun rezultadu sira bele la soma ezatamente 100% tanba kestaun arredondamentu. Bainhira ida-ne'e akontese, rezultadu sira-ne'e arredonda iha forma manúál ba 100%.

Informasaun téknika kompleta disponível iha Aneksu iha relatóriu ida-ne'e nia rohan.

¹Kuadru amostrajen ba Levantamentu Tatoli! 2022 ne'e konklui molok Timor-Leste dezigna Illa Atauro nu'udar ninia munisípiu ba da-14, administrativamente haketak tiha nia husi munisípiu Dili.


EMPREGU, RENDIMENTU, NO BEIN-ESTÁR

Levantamentu Tatoli! 2022 halibur informasaun kona-ba empregu, rendimentu no bein-estár ekonómiku husi respondente sira no mós sira-nia uma-kain. Tinan ida ne'e grupu pergunta relasiona ho empregu nian aumenta ba iha levantamentu Tatoli! Tinan ida-ne'e nian no halibur informasaun kona-ba respondente sira nia partisipasaun servisu no atividade forsa traballu. Iha ezemplu dahuluk, partisipasaun servisu na'in sira nian bele analiza liu husi karik respondente ne'e mak serbisu ba renumerasaun, saláriu, ka rendimentu seluk ho osan ka sasan.

Inkeritu relasiona ho rendimentu sira inklui ona iha pergunta sira iha parte hetan assistensia husi programa governu nian, inklui programa spesífika sira ne'ebé estabese hanesan parte ida husi resposta ba COVID-19. Relasiona bein-estár Ekonómiku, instrumentu levantamentu nian utiliza pergunta sira husi Levantamentu Tatoli! anteriór nian, ne'ebé permite komparaun ida husi rezultadu tinan 2022 nian ba tinan sira anteriór.

Empregu — ema hirak ne'ebé serbisu hodi manán vensimentu, saláriu ka rendimentu seluk

Serbisu hodi manán vensimentu, saláriu ka rendimentu seluk




■ Serbisu hodi manán vensimentu, saláriu ka rendimentu seluk La
■ serbisu hodi manán vensimentu, saláriu ka rendimentu seluk

Pursentu ruanulu resin-ualu (28%) husi respondente sira ne'ebé atualmente serbisu hodi manán vensimentu, saláriu ka rendimentu seluk (osan ka sasan).

Proporsaun boot ida husi respondente sira ho idade 35-54 (31%, kompara ba 26% husi respondente sira ho idade 17-34 no 55+) informa katak serbisu hodi manán vensimentu, saláriu ka rendimentu seluk.

Hanesan mós, proporsaun boot ida husi respondente sira ne'ebé hela iha Fora husi Dili (31%, kompara ba 18% husi respondente sira ne'ebé hela iha Dili) informa katak serbisu hodi manán vensimentu, saláriu ka rendimentu seluk. Laiha diferensa signifikante tuir jéneru - 26% husi feto sira informa katak serbisu hodi manán vensimentu, saláriu ka rendimentu seluk, kompara ba 29% husi mane sira.

Status empregu nian




Entre respondente sira ne'ebé informa katak serbisu hodi manán vensimentu, saláriu ka rendimentu seluk, maioría mak auto-empregadu (62%) embora balun serbisu hanesan funsionáriu tempu-tomak (17%).

Respondente sira barak ne'ebé hela iha Fora husi Dili mak auto-empregadu (69%, kompara ba 31% husi respondente sira ne'ebé hela iha Dili), embora respondente sira barak ne'ebé hela iha Dili mak

serbisu hanesan funsionáriu tempu-tomak (34%, kompara ba 14% husi respondente sira ne'ebé hela iha Dili nia li'ur).

Feto uitoan liu mak empregada hanesan funsionária tempu-tomak (14%, kompara ba 21% husi mane sira), maibé proporsaun hanesan husi feto sira (64%) no mane sira (61%) mak auto-empregadu.


Natureza empregu nian



Arranjus serbisu nian entre respondente sira ne'ebé hela iha Dili ne'e jeralmente formál liu kompara ba respondente sira ne'ebé hela iha Dili nia li'ur. Entre hirak ne'ebé mak serbisu ba ema seluk, respondente sira barak iha Dili mak empregadu bazeia ba kontratu eskrita ida (64%), kompara ba respondente sira ne'ebé hela iha Fora husi Dili (43%).

Iha média, respondente sira ne'ebé hela iha Dili iha kontratu empregu ne'ebé naruk liu. Pursentu haatnulu (40%) mak iha kontratu ho durasaun liu fulan 12, kompara ba 12% husi respondente sira ne'ebé hela iha Dili nia li'ur.

Fatin prinsipál ba empregu



Respondente sira ne'ebé atualmente serbisu hodi manán vensimentu, saláriu, ka rendimentu seluk ne'e komún liu mak informa katak serbisu ba sira-nia empreza privada ka to'os rasik. Respondente sira barak ne'ebé hela iha Fora husi Dili (58%) serbisu ba sira-nia empreza ka to'os rasik kompara ho respondente sira ne'ebé hela iha Dili (31%).


Iha forma kontráriu, respondente sira barak ne'ebé hela iha Dili mak serbisu ba governu (20%, kompara ba 8% husi respondente sira ne'ebé hela

iha Fora husi Dili) ka organizasaun naun-governamentál/lukru-laek (16%, kompara ba 2% husi respondente sira ne'ebé hela iha Fora husi Dili).

Respondente sira ne'ebé hela iha Dili ne'e komún liu mak serbisu iha sira-nia serbisu-fatin iha edifísiu ida ketak husi sira-nia uma (35%) ka iha sira-nia uma (24%). Respondente sira ne'ebé hela iha Fora husi Dili ne'e komún liu mak serbisu iha to'os (50%) ka iha sira-nia uma (28%).

Empregu — hirak ne'ebé la serbisu hodi manán vensimentu, saláriu, ka rendimentu seluk

Dezagregasaun husi hirak ne'ebé atualmente la serbisu hodi manán vensimentu, saláriu ka rendimentu seluk tuir lokalidade




Observasaun: Baze ba gráfku ida-ne'e mak respondente sira hotu-hotu, nune'e rezultadu ba kada lokalidade nian sei la soma ba 100%

Maioria (72%) husi respondente sira mak atualmente la serbisu hodi manán vensimentu, saláriu ka rendimentu seluk. Pursentu tolnulu (30%) husi respondente sira mak serbisu ba sira-nia família, maibé lahetan selu iha osan ka sasán no 26% mak laiha serbisu liuliu. Husi 30% ne'ebé serbisu ba sira-nia família sein pagamentu iha osan ka sasán, metade (50%) mak serbisu iha to'os (sira nian rasik ka membru família ida nian).

Status empregu nian iha variasaun tuir lokalidade. Respondente sira barak ne'ebé hela iha Fora husi Dili mak serbisu ba sira-nia família sein pagamentu iha osan ka sasán (32%, kompara ba 24% husi respondente sira ne'ebé hela iha Dili), enkuantu proporsaun boot ida husi respondente sira ne'ebé hela iha Dili mak laiha serbisu liuliu (41%, kompara ba 21% husi respondente sira ne'ebé hela iha Fora husi Dili).

Dezagregasaun husi hirak ne'ebé atualmente la serbisu hodi manán vensimentu, saláriu ka rendimentu seluk tuir idade




Observasaun: Baze ba gráfku ida-ne'e mak respondente sira hotu-hotu, nune'e resultados ba kada grupu idade nian la soma ba 100%

Diferensa iha status empregu nian mós observadu tuir idade. Respondente sira barak ho idade 17-34 mak atualmente la serbisu (31%, kompara ba 21% husi respondente sira ho idade 35-54 no 22% husi respondente sira ho idade 55+). Naturalmente, respondente sira idozu ho idade 55+ informa katak sira reformadu ona (7%, kompara ba 1% husi respondente sira ho idade 17-54).

Dezagregasaun husi hirak ne'ebé atualmente la serbisu hodi manán vensimentu, saláriu ka rendimentu seluk ne'e kuaze hanesan entre mane no feto sira. Entantu, proporsaun boot ida husi feto sira mak informa katak sira ne'ebé atualmente la serbisu (29%, kompara ba 24% husi mane sira).

Atividades seluk ne'ebé dezempeña husi respondente sira ne'ebé atualmente la serbisu tuir idade



Entre 26% husi respondente sira ne'ebé atualmente la serbisu, respondente sira komún liu mak eskola tempu-tomak (17%) ka envolvidu iha serbisu doméstiku (30%). Proporsaun ida notável (42%) mak prefere atu la temi karik sira envolvidu iha estudu ka serbisu doméstiku.

Entre respondente sira ne'ebé atualmente la serbisu, proporsaun boot ida husi respondente sira ho idade 17-34 mak estuda tantu tempu-tomak (23%, kompara ba 11% husi respondente sira ho idade 35-54 no 3% husi respondente sira ho idade 55+) ka tempu-baluk (12%, kompara ba 6% husi respondente sira ho idade 35-54 no 5% husi respondente sira ho idade 55+). Respondente sira barak ho idade 35-54 (40%) no 55+ (38%) mak envolvidu iha serbisu doméstiku, kompara ba hirak ho idade 17-34 (24%).

Diferensa tuir jéneru nian mós observadu. Entre respondente sira ne'ebé atualmente la serbisu, feto barak (38%, kompara ba 21% husi mane sira) mak envolvidu iha serbisu doméstiku, embora mane barak (20%, kompara ba 14% husi feto sira) informa katak sira nu'udar estudante tempu-tomak.

Pursentu haatnulu resin-tolu (43%, la mapeadu) husi hirak ne'ebé atualmente la laiha serbisu liuliu informa katak atualmente sira buka hela serbisu. Figura ida-ne'e aas liu entre respondente sira ne'ebé ho idade 17-34 (46%) no 35-54 (54%), kompara ba respondente sira ho idade 55+ (14%).

Rendimentu husi tasi-balun


Pursentu sanulu (10%) husi respondente sira mak indika katak kolega ka membru família ida iha tasi-balun manda ona ba sira, ka membrus husi sira-nia uma-kain, osan iha fulan neen ikus ne'e nia laran. Respondente sira barak ne'ebé hela iha Dili (14%, kompara ba 9% husi respondente sira ne'ebé hela iha Fora husi Dili) mak simu ona osan husi tasi-balun.

Transferénsia sira ne'e komún liu mak manda husi Reinu Unidu (40%), Koreia du Súl (26%), no Austrália (14%).

Husi respondente sira ne'ebé mak simu transferénsias, 62% mak simu to'o USD 1,000, enkuantu 18% seluk tan informa katak sira simu entre USD 1,001 no USD 3,000.

Transferénsia sira-ne'e uza komún liu hodi sosa hahán no kustu vida báziku (59%), harii ka halo renovasaun ba uma (36%), no despezas ba edukasaun(31%).

Emá (ka emá sira) be manda osan mai ita-boot ka ita-nia uma-kain ne'e hela iha rai ida-ne'ebé?




Pagamentu husi Governu

Iha nível nasional, porsentu haatnulu resin-lima (45%) husi respondente sira mak pelumenus regularmente simu forma pagamentu ida husi governu. Respondente sira barak ne'ebé hela iha Fora husi Dili (51%, kompara ba 28% husi respondente sira ne'ebé hela iha Dili) mak regularmente simu forma pagamentu ida. Hanesan mós, respondente sira barak ne'ebé

nu'udar portadór defisiénsia (71%), kompara ba 43% husi respondente sira ne'ebé laho defisiénsia, no respondente sira idozu sira ho idade 55 ba leten (75%, kompara ba 34% husi respondente sira ho idade 17-34 no 45% husi respondente sira ho idade 35-54) mak regularmente simu pagamentu husi Governu.


Forma pagamentu ida-ne'ebé, se karik iha, mak ita-boot ka ita-nia membru uma-ka'in ida ne'ebé hela ho ita-boot, simu regularmente husi Governu?



Respondente sira provável liu atu simu Bolsa da Mãe (20% husi respondente sira iha Fora husi Dili no 14% husi respondente sira iha Dili), Subsídriu ba idozus (19% husi respondente sira iha Fora husi Dili no 8% husi respondente sira iha Dili) no Subsídriu ba veteranus (8% husi respondente sira iha Fora husi Dili no 5% husi respondente sira iha Dili).


Kuaze respondente sira hotu-hotu mak simu ona Cesta Básica (97% iha nível nasonál) no Apoiu Monetariu /USD 200 kada uma-kain (95% iha nível nasonál). Respondente sira barak ne'ebé hela iha Dili mak simu ona subsídriu eletridade USD 15 kada fulan (77%) kompara ba respondente sira ne'ebé hela iha Fora husi Dili (26%).

Karik ita-boot ka ema ruma iha ita-nia uma-laran simu apoiu ruma nu'udar parte husi Governu nia pakote / estímulo / programa rekuperasaun sosiál-ekonómiku?



Bein-estár Ekonómiku


Oinsá mak ita-boot klasifika ita-nia família ninia situasaun ekonómiku ohin loron?



Pursentu neenulu resin-lima (65%) husi respondente sira iha nível nasonál mak klasifika sira-nia uma-kain ninia kondisaun ekonómiku katak 'di'ak' ka 'di'ak tebes', diminuidu husi 69% iha tinan 2018 maibé aas liu kompara ba 60% iha tinan 2016.

Proporsaun boot ida husi respondente sira ne'ebé hela iha Dili (68%, kompara ba 64% husi respondente sira ne'ebé hela iha Fora husi Dili), feto sira (68%, kompara ba 63% husi mane sira) no respondente sira ne'ebé lahá defisiénsia (66%, kompara ba 49% husi respondente sira portadór defisiénsia) mak klasifika sira-nia uma-kain ninia kondisaun ekonómiku katak 'di'ak' ka 'di'ak tebes'.

Oinsá ita-nia família ninia situasaun ekonómiku atuál nian kompara ho tinan ida liubá?




Pursentu limanulu resin-hitu (57%) husi respondente sira mak senti katak sira-nia família ninia situasaun ekonómiku sai di'ak 'uitoan' ka di'ak 'liutan' kompara ba tinan ida liubá, menus husi 61% iha tinan 2018. Proporsaun boot ida mós senti katak sira-nia situasaun atuál ne'e aat 'uitoan' ka aat 'liutan' (24%) kompara ba tinan sira anteriór nian (14% iha tinan 2018 no 7% iha tinan 2016).

Respondente sira barak ne'ebé hela iha Dili (64%, kompara ba 54% hela iha Fora husi Dili) senti katak sira-nia situasaun ekonómiku atuál iha ona melloria kompara ba tinan ida liubá. Nune'e mós, respondente sira barak ne'ebé lahá defisiénsia (57%, kompara ba 42% husi respondente sira portadór defisiénsia nian) senti katak sira-nia situasaun ekonómiku atuál iha ona melloria kompara ba tinan ida liubá.

Entre respondente sira ne'ebé informa katak sira-nia situasaun ekonómiku ne'e sai aat liu kompara ba tinan ida liubá, 40% mak konkorda katak ida-ne'e tanba situasaun COVID-19. Proporsaan ida kuaze hanesan (38%) husi hirak ne'ebé senti sira-nia situasaun ekonómiku iha ona melloria mós indika katak situasaun COVID-19 mak nu'udar kauza prinsipál.

Respondente sira-nia situasaun ekonómiku pesoál no uma-kain nian ne'e menus pozitivu kompara ba 2016 no 2018. Kapasidade atu rai-osan nian redús tiha ba 66% (husi 82% iha tinan 2018), no kapasidade atu empresta osan bainhira presiza ne'e redús tiha ba 57% (husi 73% iha tinan 2018). Respondente sira mós indika katak iha kapasidade reduzida atu kobre sira-nia nesidades bazeia ba rendimentu: 57% kompara ba 2018 (70%) no 2016 (67%), respetivamente. Hanesan mós, 67% de'it husi respondente sira mak salienta katak sira no sira-nia família sei iha hahán nato'on iha fulan oinmai, reverta ba nível sira iha 2016 no ki'ik liu 11% kompara ho tinan 2018.

Persepsaun kona-ba situasaun ekonómiku pesoál no uma-kain nian (konkorda ka konkorda tebes)



KESTAUN PRINSIPÁL SIRA NE'EBÉ TIMOR-LESTE HASORU


Levantamentu Tatoli! 2022 husu ba respondente sira kona-ba sira-nia pontudevistas relasiona ho diresaun ein jerál husi nasaun nian, nune'e mós ho kestaun prinsipál sira ne'ebé sira rasik, feto, sira-nia komunidadade, no nasaun hasoru.

Nasaun nia diresaun

Ein jerál, 37% husi respondente sira konkorda katak Timor-Leste ohin loron la'o ba diresaun ne'ebé mak loos, embora 17% de'it mak La konkorda. Entantu, proporsaun ida notável (37%) senti neútru no 9% mak labele ka lakohi atu fó resposta ida ba pergunta ida-ne'e.

Konkordánsia katak Timor-Leste la'o daudaun ba diresaun loos ne'e kuaze aas uitoan entre respondente idozu sira ho idade 55 ba leten (40%, kompara ba 36% husi respondente sira ho idade 17-34 no 37% husi respondente sira ho idade 35-54). Hanesan mós, ema barak liu ne'ebé hela iha Fora husi Dili konkorda katak Timor-Leste la'o daudaun ba diresaun loos (39%, kompara ba 33% husi respondente sira ne'ebé hela iha Dili).

Jeralmente, Timor-Leste ohin loron la'o ba diresaun ne'ebé mak loos.




■ Konkorda tebes
■ Konkorda
■ Nein ida

■ La konkorda
■ La Konkorda tebes
■ La hatene / laiha resposta

Dezafiu prinsipál

Bainhira husu kona-ba problema boot liuhotu ne'ebé Timor-Leste hasoru iha nível nasional, COVID-19 (52% iha nível nasional) mak ein jerál sita dala barak liu entre grupu demográfku sira hotu. Traballu/dezempregu no menus diversifikasaun ekonómika ne'e identifikadu hanesan problema husi respondente sira ne'ebé hela iha Dili no iha Dili nia li'ur; entantu, proporsaun boot ida husi respondente sira ne'ebé hela iha Dili identifika pontu sira-ne'e hanesan problema.


Problema úniku boot liu ne'ebé Timor-Leste hasoru (Top 3)



Bainhira husu kona-ba problema boot liuhotu ne'ebé hasoru husi sira-nia comunidade, COVID-19 (52%) ne'e dala ida tan sita ein jerál nu'udar problema entre respondente sira iha nível nasonál. Restrisaun tanba COVID-19, inklui orden ba lockdown/serka domisiliária (26%), serka sanitária/viajen limitada entre distritu sira (17%) no no taka fronteira internasionál (18%) ne'e mós relata komún katak sai hanesan problema.

Aleinde COVID-19 no kestaun sira relacionadu, traballu/dezempregu (43%) no menus diversifikasaun ekonómika (36%) mak nu'udar problema ne'ebé persebidu maka'as liu entre respondente sira ne'ebé hela iha Dili. Dili nia li'ur, menus diversifikasaun ekonómika (29%) no mós estrada no pontes (33%) mak konsideradu nu'udar problema boot liuhotu.

Problema boot liu mak ita-nia comunidade hasoru (Top 6)



Problema boot liuhotu ne'ebé hasoru husi ema individuál sira ne'e kuaze hanesan ho problema boot liuhotu ne'ebé relata ba comunidade sira. COVID-19 (53%), traballu/dezempregu (44%) no menus diversifikasaun ekonómika (38%) mak problema boot liuhotu ne'ebé enfrenta husi ema

individuál sira ne'ebé hela iha Dili. COVID-19 (47%), menus diversifikasaun ekonómika (33%) no mós estrada no pontes (31%) mak problema boot liuhotu ne'ebé enfrenta husi ema individuál sira iha Dili nia li'ur.


Problema ne'ebé feto sira hasoru

Iha nível nasonál, violénsia doméstika/violénsia hasoru feto no labarik sira (24%) no COVID-19 (23%) konsideradu nu'udar problema importante liuhotu ne'ebé feto sira hasoru iha Timor-Leste ohin loron.

Persepsaun sira kona-ba problema importante liuhotu ne'ebé feto sira hasoru ne'e kuaze hanesan entre feto no mane sira– maski feto barak liu mak

senti violénsia doméstika/violénsia hasoru feto no labarik sira (26%, kompara ba 22% husi mane sira) mak nu'udar problema ne'ebé importante liuhotu. Respondente sira barak ne'ebé hela iha Dili mós senti katak violénsia doméstika mak problema importante liuhotu ne'ebé feto sira hasoru (32%, kompara ba 21% husi respondente sira iha Fora husi Dili).

Saida mak problema importante liuhotu ne'ebé feto sira hasoru iha Timor-Leste ohin loron?



FUNSAUN GOVERNU NIAN, DEZEMPEÑU NO PRIORIDADE SIRA


Levantamentu Tatoli! 2022 husu respondente sira-nia pontudevista relaciona ho funsaun, dezempeñu, no prioridades governu nian. Hanesan ho Levantamentu Tatoli! nian sira iha pasadu, levantamentu ne'e mós husu respondente sira-nia opiniaun kona-ba saida mak impede governu atu halo serbisu ne'ebé di'ak liu posível.

Funsaun sira Governu nian

Respondente sira identifika funsaun tolu governu nian mak importante liuhotu. Ordenasaun ba repostas topu sanulu iha Dili laran no mós iha li'ur ne'e kuaze hanesan. Entantu, harii estrada mak konsidera importante liu entre respondente sira ne'ebé hela iha Fora husi Dili (46%) kompara ho respondente sira ne'ebé hela iha Dili (17%).




Responsabilidade Governu nian ne'ebé importante liuhotu²



²Husu ba respondente sira atu identifika responsabilidades tolu aas liu husi governu nian. Respostu 10 topu mak refléta iha gráfiku.

Prioridade Governu nian

Saida mak tenki sai prioridades governu nian?³



Iha nível nasional, respondente sira hanoin katak Governu nia prioridades prinsipal mak estrada (65%), saúde (52%) no mós edukasaun no Formasaun (46%).


Respondente sira barak ne'ebé hela iha Fora husi Dili senti katak governu tenki prioriza infraestrutur hanesan estrada (74%, kompara ba 40% husi respondente sira ne'ebé hela iha Dili) no eletrisidade (36%, kompara ba 19% husi respondente sira ne'ebé hela iha Dili), nune'e mós ho agrikultura (15%, kompara ba 5% husi respondente sira ne'ebé hela iha Dili).

Proporsan boot ida husi respondente sira ne'ebé hela iha Dili senti katak governu tenki prioriza edukasaun no Formasaun (65%, kompara ba 39% husi respondente sira ne'ebé hela iha Fora husi Dili), saúde (59%, kompara ba 49% husi respondente sira ne'ebé hela iha Fora husi Dili) no mós hafó/kria serbisu (23%, kompara ba 14% husi respondente sira ne'ebé hela iha Fora husi Dili).

Aliñadu ho prioridade persebidu Governu nian, área topu ne'ebé respondente sira senti katak governu tenki halo investimentu mak estrada (68% iha nível nasional), saúde (55%), edukasaun no Formasaun (51%), water (42%) no eletrisidade (32%).

Konsulta no dezempeñu governu nian

Hau senti satisfeitu ho nível atuál husi konsulta governu nian ho sidadaun sira atu atende ba problema importante ne'ebé nasaun ne'e hasoru




Maioria respondente sira (57%) satisfeitu ho nível atuál husi konsulta governu nian ho sidadaun sira. Konkordánsia ne'e aas liu entre respondente sira ne'ebé hela iha Fora husi Dili (63%, kompara ba 43% husi respondente sira ne'ebé hela iha Dili).

Bainhira husu kona-ba importánsia husi konsulta governu nian, 56% indika katak governu tenki halo saida mak povu haruka nia atu halo, embora 17% senti katak governu hatene saida mak di'ak liu no tenki halo saida mak nia hanoin importante liu.

³Husu ba respondente sira atu identifika responsabilidades tolu aas liu husi Governu nian. Respostas topu 10 mak refleta iha gráfico.


Oinsá mak ita-boot senti kona-ba maneira governu hala'o ninia responsabilidade?



Pursentu neenulu resin-rua (62%) husi respondente sira senti katak governu halo serbisu ida 'di'ak tebes' ka 'di'ak nato'on' hodi hala'o ninia responsabilidade, sa'e husi 57% iha tinan 2018 maibé aliñadu ho 65% iha tinan 2016. Persepsaun sira kona-ba maneira oinsá governu hala'o ninia responsabilidades ne'e kuaze hanesan entre grupu demográfiku sira hotu.

Kompara ba tinan sira anteriór nian, iha aumentu ida notável (24%, sa'e husi 13% iha tinan 2018 no 14% iha tinan 2016) iha respondente sira ne'ebé hanoin katak falta iha osan/orsamentu mak nu'udar barreira prinsipál ba governu atu hala'o serbisu di'ak liu posível. Relasionadamente, iha redusaun ida (35%, diminuidu husi 52% iha tinan 2018) iha respondente sira ne'ebé hanoin katak governu iha osan/orsamentu nato'on, maibé la aloka ho didi'ak.

Saida mak impede governu atu halo ninia serbisu di'ak liu posível?



Programa Governu nian


Husu ba respondente sira kona-ba saida de'it projetu no programa sira governu nian ne'ebé sira rona ona. Husi programás governu nian ne'ebé temi, respondente sira provável liu atu rona ona kona-ba Programa Nasional Dezenvolvimentu Suku-PNDS (51%), Bolsa da Mãe (48%) no Baze Abastesimentu Suai(45%).

Respondente sira barak ne'ebé hela iha Dili mak hatene kona-ba Baze Abastesimentu Suai (62% husi respondente sira iha Dili, kompara ba 39% husi respondente sira iha Fora husi Dili) no pagamentu/subsídiu ba pesoál sira liña-frente nian (27%, kompara ba 16%).⁴ Iha forma kontráriu, respondente sira barak ne'ebé hela iha Fora husi Dili mak hatene kona-ba PNDS (55% husi respondente sira iha Fora husi Dili, kompara ba

37% husi respondente sira iha Dili), Bolsa da Mãe (53%, kompara ba 34%) no No Zona Ekonómiku Espesiál iha Oecussi (24%, kompara ba 16%).

Subsekuentemente husu ba respondente sira kona-ba importánsia relativa husi kada programa governu nian. Baze Abastesimentu Suai (32% husi respondente sira iha Dili no 18% husi respondente sira iha Fora husi Dili), Bolsa da Mãe (14% husi respondente sira iha Dili no 22% husi respondente sira iha Fora husi Dili) no PNDS (13% husi respondente sira iha Dili no 37% husi respondente sira iha Fora husi Dili) ne'ebé mak konsidera nu'udar programás importante liuhotu ba respondente sira ne'ebé hela iha Dili no iha Fora husi Dili.

Pursentajen husi respondente sira ne'ebé rona tiha ona kona-ba governu nia projetus/programa tuirmai



⁴Pesoál liña-frente mak traballadór liña-frente ida, liuliu iha kuidadu saúde no esensíal sira seluk, dalabarak serbisu atendimentu públíku. Durante Pandemia COVID-19, maioria husi pesoál saúde nian sei hatudu nafatin sira-nia hodi atende ba pasientes.

PRESTASAUN SERVISU


Levantamentu Tatoli! 2022 nian husu ba respondente sira kona-ba kualidade servisu saúde, edukasaun no infraestrutura, no sira-nia vontade atu selu impostu barak tan hodi hetan servisu melloradu. Rezultadus hirak ne'e kompara ba levantamentu anteriór sira husi tinan 2016 no 2018. Hanesan iha tinan 2018, husu mós pergunta ida kona-ba ema sira-nia persepsaun kona-ba fetu sira-nia direitu ba edukasaun.

Servisu saúde

Iha fulan neen ikus nia laran, maioria (88%) respondente sira ka sira-nia família atende ona ba governu nia klínika saúde/ospitál(82%), klínika saúde privada (3%) ka rua ne'e hotu (4%). Respondente sira jeralmente iha persepsaun pozitivu kona-ba servisu saúde iha sira-nia comunidade laran, no observa katak iha mellorias iha aspetus barak kompara ba 2018.

Proporsaun boot ida husi respondente sira ne'ebé hela iha Fora husi Dili indika katak sira 'sempre' ka 'frekvente tebes' hetan asesu ba médiku no enfermeira sira ne'ebé tulun sira (85%, kompara ba 76% husi respondente sira ne'ebé hela iha Dili), parteiras kualifikada/ajudante/parteira (75%, kompara ba 60% husi respondente sira ne'ebé hela iha Dili), ambulánsia (74%, kompara ba 63% husi respondente sira ne'ebé hela iha Dili) no aimoruk iha sira-nia klínika saúde lokál (76%, kompara ba 67% husi respondente sira ne'ebé hela iha Dili).

Persepsaun sira kona-ba servisu saúde iha Postu Administrativu (sempre ka frekvente tebes)




Edukasaun

Maioria (87%) respondente sira iha oan ne'ebé frekuenta eskola iha fulan neen ikus nia laran. Pursentu neenulu resin-sia (69%) husi respondente sira mak iha oan ne'ebé frekuenta eskola públiku, 13% iha oan ne'ebé frekuenta eskola privada ida no 5% mak iha oan ne'ebé frekuenta rua ne'e hotu.

Respondente sira jeralmente relata persepsaun sira ne'ebé pozitivu kona-ba sira-nia oan ninia eskola ne'ebé mak aliñadu ho 2018 iha maioria aspetu sira.

Entantu, proporsaun boot ida husi respondente sira mak indika katak sira-nia oan 'sempre' ka 'frekuente tebes' iha opsaun atu simu merenda diária iha eskola (58%, sa'e husi 41% iha tinan 2018 maibé menus husi 68% iha tinan 2018). Respondente sira ne'ebé hela iha Fora husi Dili relata persepsaun sira ne'ebé pozitivu liu iha aspetu sira hotu kompara ba respondente sira ne'ebé hela iha Dili.


Persepsaun sira kona-ba servisu edukasaun iha Postu Administrativu (sempre ka frekuente tebes)



Feto sira-nia direitu ba edukasaun

Enkuantu maioria respondente sira (79%) konkorda katak feto sira iha sira-nia uma-kain tenki hetan asesu ba oportunidades edukasaun, konkordansia ne'e menus husi tinan 2018 (88%) nian.

Feto iha hau-nia uma-laran tenki hetan asesu ba oportunidades edukasaun




Infraestrutura


Bee no saneamentu (sempre ka frekvente tebes)



Hau iha asesu ba sentina ida iha / besik tebes ba hau-nia uma




Bomba bee/ posu iha hau-nia fatin kuru bee nian ne'e funksiona ho di'ak



Maiores respondente sira relata katak sira 'sempre' ka 'frekvente tebes' hetan asesu ba sentina ida iha ka besik tebes ba sira-nia uma (74%), aas liu duké 68% iha tinan 2018 no 66% iha tinan 2016. Entantu, proporsaan ne'ebé menus liu mak indika katak bomba bee/posu iha sira-nia fatin kuru bee nian 'sempre' ka 'frekuentemente' funksiona ho di'ak (43%, aliñadu ho 41% iha tinan 2018 no 45% iha tinan 2016).

Proporsaan boot ida husi respondente sira ne'ebé hela iha Dili mak relata katak sira 'sempre' ka 'frekvente tebes' hetan asesu ba sentina ida besik (81%, kompara ba 72% husi respondente sira ne'ebé hela iha Fora husi Dili) no fatin kuru bee nian ne'ebé funksiona ho di'ak (57%, kompara ba 38% husi respondente sira ne'ebé hela iha Fora husi Dili).


Lori tempu hira ba ita atu ba kuru bee?



Iha média, respondente sira ne'ebé hela iha Fora husi Dili lori tempu barak liu atu ba kuru bee. Maioria respondente sira ne'ebé hela iha Dili (72%) indika katak sira iha bee iha sira-nia uma, kompara ba 40% de'it husi respondente sira ne'ebé hela iha Fora husi Dili. Respondente sira barak ne'ebé hela iha Fora husi Dili informa katak lori tempu liu minutu 30 atu ba kuru bee (18%, kompara ba 4% husi respondente sira ne'ebé hela iha Dili).

Aleinde ne'e, bainhira to'o iha fatin kuru bee nian/bomba, tempu hein nian ne'e kleur liu iha média ba respondente sira ne'ebé hela iha Fora husi Dili. Pursentu tolunulu resin-lima (35%) husi respondente sira iha Fora husi Dili informa katak tenki forma liu minutu 15 atu hetan bee, kompara ba 27% husi respondente sira ne'ebé hela iha Dili.


Estrada no transporte (sempre ka frekvente tebes)



Kompara ba 2018, respondente sira barak mak indika katak sira 'sempre' ka 'frekvente tebes' hetan asesu ba estrada ligasaun ne'ebé iha kondisaun di'ak (41%, sa'e husi 31% iha tinan 2018), ponte sira durante tempu udan (38%, sa'e husi 34%) no mós bís no mikrolet iha sira-nia Suku (38%, sa'e husi 34%).

Respondente sira ne'ebé hela iha Dili relata persepsaun ne'ebé pozitivu liu kona-ba aspetu hotu-hotu husi estrada no transporte kompara ba respondente sira ne'ebé hela iha Dili nia li'ur.

Servisus manutensaun (sempre ka frekvente tebes)




Kuaze un-terse de'it husi respondente sira mak relata katak estrada (38%, sa'e husi 33% iha tinan 2018), sistemas fornesimentu bee (34%, aliñadu ho 2018) no ponte sira (34%, aliñadu ho 2018) 'sempre' ka 'frekvente tebes' hadi'ak bainhira aat/kotu. Pozitivamente, frekuénsia manutensaun nian ne'e aas liu kompara ba 2018 nian ba estrada sira.

Respondente sira barak ne'ebé hela iha Dili indika katak servisus hotu-hotu 'sempre' ka 'frekvente tebes' hadi'ak bainhira aat/kotu.

Vontade atu selu impostu barak tan atu hadi'ak prestasaun Servisu

Lato'o metade (43%, diminuidu husi 64% iha tinan 2018 no 56% iha tinan 2016) mak konkorda katak sira sei iha vontade atu selu impostu barak tan hodi hetan servisu sira ne'ebé di'ak liu, proporsaun ida ki'ik kompara ba tinan sira anteriór nian.

Hau hakarak atu selu impostu barak tan hodi hetan servisu sira ne'ebé di'ak liu



- Konkorda tebes
- La konkorda
- Konkorda
- La konkorda tebes
- Nein ida
- La hatene / laiha resposta

PERSEPSAUN POLÍTIKA

Levantamentu Tatoli! 2022 nian halibur respondente sira-nia pontudevista kona-ba karakteristikas ne'ebé sira valoriza liu iha líder sira ida-idak no partiu polítiku sira. Ne'e mós halibur respondente sira-nia perspetiva kona-ba fetu no joven iha lideransa.


Karakterísticas Lideransa nian

Maioria respondente sira mak klasifika kada karakterístika katak importante 'tebes' ka 'nato'on' ba kandidatu presidente ida atu soi. Respondente sira konsidera ema ne'e nia kna'ar iha Timor-Leste ninia movimentu ba independéncia (87% iha nível nasional) no nível edukasaun (84%) mak nu'udar karakteristikas ne'ebé importante liuhotu husi kandidatu ida. Iha forma kontráriu, respondente sira senti katak kandidatu

sira-nia jéneru (73%) no koneksaun pesoál ba sira (65%) ne'e relativamente ladún importante.


Proporsaun boot ida husi respondente sira ne'ebé hela iha Fora husi Dili mak klasifika karakteristikas hotu-hotu katak importante 'tebes' ka 'nato'on', kompara ba respondente sira ne'ebé hela iha Dili.

Oinsá karakterístika sira tuirmai ne'e importante ba kandidatu presidente ida? (importante tebes ka importante nato'on)



Atributu tolu ne'ebé importante liuhotu ba partiu polítiku ida mak partiu ne'e nia kna'ar iha Timor-Leste ninia movimentu ba independéncia (83% iha nível nasional), partiu ninia programa no proposta sira ne'ebé deklaradu (67%) no líder sira partiu nian (49%). Pontu hirak ne'e mak nu'udar atributu sira ne'ebé importante liuhotu ba respondente sira ne'ebé hela iha Dili no iha Fora husi Dili.

Atributu tolu aas liu ida-ne'ebé mak ita-boot konsidera importante liu ba partidu polítiku ida?




Individuál sira ne'ebé Admiradu

Hanesan iha tinan sira anteriór nian, eis Prezidente no eis Primeiru Ministru Xanana Gusmão mak ein jerál nu'udar figura ne'ebé admiradu liuhotu (57% iha nível nasionál). Ninia popularidade mós aumenta kompara ba 2018 (42%) no 2016 (33%). Iha nível nasionál, eis Prezidente, no iha momentu hakerek relatóriu ida-ne'e Prezidente-eleitu ba mandatu daruak, José Ramos-Horta (8%) no atuál Prezidente Francisco Guterres Lú-Olo (8%) mak nu'udar figuras tuirmai ne'ebé mak sai admiradu.

Razaun prinsipál sira ba respondente sira admira liu líder ne'ebé sira hili ne'e tanba haree ba sira-nia kna'ar iha Timor-Leste ninia movimentu istóriu ba independénsia nian (55%) no sira-nia kna'ar iha Timor-Leste ninia dezvoltimentu atuál (18%).

Feto iha vida polítika

Karik sei di'ak ka la di'ak ba Timor-Leste bainhira fetu barak tan mak tama iha vida polítika?



Maioria respondente sira (80%) mak senti katak sei sai di'ak ba Timor-Leste se fetu barak mak tama iha vida politika. Entantu, númeru ida-ne'e ki'ik liu duké iha tinan 2018 (84%) no 2016 (86%).

Fetu barak (82%, kompara ba 77% husi mane sira) no respondente sira ne'ebé laho defisiénsia (81%, kompara ba 62% husi respondente sira portador defisiénsia) mak senti katak sei sai di'ak ba Timor-Leste se fetu barak mak tama iha vida politika. Hanesan mós, respondente sira barak ho idade 17-34 (82%) no 35-54 (81%, kompara ba 74% husi respondente sira ho idade 55 ba leten) mak senti katak sei sai di'ak ba Timor-Leste se fetu barak mak tama iha vida politika.

Bainhira husu kona-ba tansá mak iha mane barak liu kompara ho fetu iha kargu nível superiór sira, respondente sira komún liu mak senti katak

ida-ne'e tanba kna'ar fetu ida nian mak halo serbisu iha uma-kain, la'ós kargu públiku (22%); fetu sira la interesadu atu sai lideransa politiku (12%); ka ema lakohi atu vota ba fetu/iha diskriminasaun hasoru fetu (11%).

Maioria respondente sira (71%) senti katak fetu sira bele to'o iha kargu sira superiór nian iha nível nasional. Respondente sira nomeia kargu ne'ebé aas liu mak fetu sira bele sai eleitu hodi asume mak hanesan Prezidente Repúblika ka Primeiru Ministru (16%), Ministra (28%) ka Deputada (8%). Pursentu sanulu resin-sia (19%) senti katak fetu sira bele eleitu ba kualkér kargu públiku.

Joven iha lideransa

Maioria respondente sira konkorda katak sira tau-fiar ba jersaun foinsa'e nian (62%), iha individuál sira ne'ebé kualifikadu husi jersaun foinsa'e nian ne'ebé bele lidera nasaun ne'e (61%), no jersaun foinsa'e nian hahuú daudaun atu lidera Timor-Leste (56%).

Proporsaun boot ida husi respondente sira ne'ebé laho defisiénsia (62%, 62%, no 57%, kompara ba 52%, 49%, no 44 % husi respondente sira ne'ebé nu'udar portador defisiénsia) no respondente sira joven sira ho idade 17-34 (67%,

66%, no 60%, kompara ba 57%, 57%, no 52% husi hirak ho idade 35 ba leten) mak konkorda ho deklarasaun tolu ne'e ida-idak.

Aleinde ne'e, respondente sira barak ne'ebé hela iha Dili konkorda katak jersaun foinsa'e nian hahuú ona atu lidera Timor-Leste (62%, kompara ba 54% husi respondente sira ne'ebé hela iha Fora husi Dili).

Persepsaun kona-ba joven sira iha lideransa

Jersaun foun sira hahuú ona atu lidera Timor-Leste



Ha'u hatene katak iha individu kualifikadu balun iha jersaun foun sira ho kualifikasaun akademiku, profesional, no esperiensa hodi lidera nasaun.



Hau fiar jersaun foun sira



- Konkorda tebes
- Konkorda
- Neutru


- La konkorda
- La konkorda tebes
- La hatene / laiha resposta

PERSEPSAUN KONA-BA KORRUPSAUN


Hanesan ho Levantamentu Tatoli! tinan 2016 no 2018, iha tinan 2022 husu respondente sira-nia persepsaun kona-ba to'o ona iha nível ne'ebé mak área no instituisaun oioin sai afetadu husi korrupsaun.

Konforme refleta iha diagrama rua tuirmai, persepsaun ein jerál kona-ba korrupsaun nian ne'e aliñadu ho tinan sira anteriór nian. Entantu, iha diminuisaun iha persepsaun kona-ba korrupsaun maka'as ('signifikativamente' ka 'kompletamente') kompara ba tinan sira anteriór nian. Persepsaun sira-ne'e kuaze hanesan entre grupu demográfku sira hotu.


Tuir ita-nia hanoin, to'o ona iha nível ne'ebé mak área sira tuirmai ne'e sai afetadu husi korrupsaun?




SISTEMA EDUKASAUN




SISTEMA SAUDE



SERVISU REJISTU NO AUTORIZASAUN



PROSESAMENTU TENDERIZASAUN SIRA



DEZENVOLVIMENTU SETOR PRIVADU SIRA



OPORTUNIDADE BA SERVISU IHA RAI LIUR NIAN




*Pergunta foun aumenta iha 2022


Tuir ita-nia hanoin, to'o ona iha nível ne'ebé mak instituisaun sira tuirmai ne'e sai afetadu husi korrupsaun?

■ Signifikante + Kompletamente ■ Laiha liu
■ Natoon + Oituan ■ La hatene / Laiha resposta


MINISTERIU GOVERNU SIRA




KONSELLU SUKU SIRA




KONSELLU MINISTRU SIRA




POLISIA (PNTL)




PARTIDU POLITIKU SIRA




Tuir ita-nia hanoïn, to'o ona iha nível ne'ebé mak instituisaun sira tuirmai ne'e sai afetadu husi korrupsaun?



GOVERNASAUN MUNISIPAL SIRA




ONG NASIONAL SIRA




ONG INTERNASIONAL SIRA



BANKU NO INSTITUISAUN FINANSEIRA SIRA



MILITAR (F-FDTL)



UTILIZASAUN BA MEDIA NO INFORMASAUN


Levantamentu Tatoli! 2022 nian kaptura respondente sira-nia uzu no asesu ba media. Instrumentu levantamentu nian utiliza pergunta sira husi Levantamentu Tatoli! anteriór nian, ne'ebé permite komparasaun ida husi rezultadus tinan 2022 nian ba tinan sira anteriór. Tinan ida-ne'e, levantamentu ne'e mós husu respondente sira kona-ba sira-nia pontudevistas relasiona ho fiskalizaun governu nian ba meius komunikaun tradisionál no sosiál nian.

Fontes ba notisia no informasaun

Fontes informasaun nian ne'e prinsipalmente diferente tuir lokalidade envezde tuir demográfiku. Televizaun mak uza barak liu entre respondente sira ne'ebé hela iha Dili (93%, kompara ba 65% husi respondente sira ne'ebé hela iha Fora husi Dili). Respondente sira barak ne'ebé hela iha Fora husi Dili informa katak uza radio (29%, kompara ba 16% husi respondente sira ne'ebé hela iha Dili). Respondente sira ne'ebé hela iha Fora husi Dili komún liu atu rona ba liafuan husi ibun-ba-ibun nu'udar fontes ba informasaun nian: Konsellu Suku/líder lokál sira (21%, kompara ba 2% husi respondente sira ne'ebé hela iha Dili), kolega no família (11%, kompara ba 1% husi respondente sira ne'ebé hela iha Dili) no igreja (7%, kompara ba 1% husi respondente sira ne'ebé hela iha Dili).


Iha nível nasional, televizaun ne'e ein jerál nu'udar fonte informasaun ida ema fiar liu (70%, sa'e husi 64% iha tinan 2018). Konsellu Suku/líder lokál sira (9%, aliñadu ho 8% iha tinan 2018) mak nu'udar fonte informasaun tuirmai ne'ebé ema fiar liu. Respondente sira barak ne'ebé hela iha Fora husi Dili indika Konsellu Suku/líder lokál sira mak nu'udar fonte informasaun ne'ebé sira fiar liu (11%, kompara ba 0.2% husi respondente sira ne'ebé hela iha Dili).

Fonte sira tuirmai ne'e, ida-ne'ebé mak ita-boot uza dala barak liu hodi asesu ba notisias no informasaun (iha nível nasional)?



Televiziaun

Kanál televizaun ida-ne'ebé mak ita-boot haree dala barak liu?




Metade (50%) husi respondente sira informa katak sira haree televizaun loroloron, enkuantu 17% seluk informa katak sira haree televizaun dala balun de'it iha semana ida.

Iha nível nasional, RTTL (90%) no GMN (69%) mak nu'udar kanál televizaun sira ne'ebé ein jerál emaharee dala barak liu.

GMN ne'e haree/akompaña husi respondente sira barak ne'ebé hela iha Dili (80%, kompara ba 63% husi respondente sira ne'ebé hela iha Fora husi Dili), respondente sira ne'ebé laho defisiénsia (70%, kompara ba 53% husi respondente sira portador defisiénsia) no respondente sira joven sira ho idade 17-34 (72%, kompara ba 61% husi respondente sira ho idade 55 ba leten).

RTTL ne'e haree/Akompaña husi proporsau boot ida husi respondente sira ne'ebé hela iha Fora husi Dili (93%, kompara ba 85% husi respondente sira ne'ebé hela iha Dili) no respondente sira ho idade 35-54 (93%) no idade 55 ba leten (93%, kompara ba 87% husi respondente sira ho idade 17-34).

Estasaun radio ida-ne'ebé mak ita-boot sintoniza dala barak liu?



Radio


Pursentu sanulu resin-sia (19%) husi respondente sira mak indika katak sira sintoniza radio loroloron, no 21% mak sintoniza dala balun de'it iha semana ida.

RTTL (77% iha nível nasional) mak estasaun radio ne'ebé populár liuhotu, tuir mak radio komunidade sira (52%).

Respondente sira barak ne'ebé hela iha Dili mak sintoniza RTTL (96%, kompara ba 73% husi respondente sira ne'ebé hela iha Fora husi Dili) no GMN (26%, kompara ba 15% husi respondente sira ne'ebé hela iha Fora husi Dili).

Respondente sira barak ne'ebé hela iha Fora husi Dili mak sintoniza Radio Maubere (23%, kompara ba 13% husi respondente sira ne'ebé hela iha Dili).

Website ida-ne'ebé mak ita-boot uza dala barak liu?




Websites

Iha nível nasionál, GMN Diario Nacional mak nu'udar website populár ne'ebé uza dala barak liu (67%).

Respondente sira barak ne'ebé hela iha Dili mak uza GMN Diario Nacional (84%, kompara ba 40% husi respondente sira ne'ebé hela iha Fora husi Dili), Tafara News (32%, kompara ba 26%) no Tatoli News (36%, kompara ba 7%).

Meius komunikasaun sosiál nian ida-ne'ebé mak ita-boot uza dala barak liu?



Meius komunikasaun sosiál

Maioria (76%) husi respondente sira indika katak sira uza meius komunikasaun sosiál lato'o oras ida kada loron. 10% de'it mak informa katak sira uza meius komunikasaun sosiál liu oras tolu kada loron.


Razaun prinsipál sira ba respondente sira uza meius komunikasaun sosiál mak atu halo komunikasaun ho família no kolega sira (57%) no hodi asesu ba notísias no informasaun (36%). Utilizasaun ba meius komunikasaun sosiál hodi asesu ba notísias no informasaun ne'e komún liu entre respondente sira ne'ebé hela iha Fora husi Dili (38%, kompara ba 32% husi respondente sira ne'ebé hela iha Dili) no respondente sira idozu sira ho idade 55 ba leten (44%, kompara ba 36% husi respondente sira ho idade 35-54 no 33% husi respondente sira ho idade 17-34).

Facebook (96%) mak nu'udar plataforma ba meius komunikasaun sosiál nian ne'ebé uza komún liu iha nível nasion no utiliza husi kuaze proporsaun hanesan entre respondente sira ne'ebé hela iha Dili (98%) no iha Fora husi Dili (95%). YouTube mak plataforma tuirmai ne'ebé uza komún liu (62% iha nível nasionál) maibé uza barak liu husi respondente sira ne'ebé hela iha Fora husi Dili (67%) kompara ho respondente sira ne'ebé hela iha Dili (47%).

Dezafius asesu atu ba media


Respondente sira barak ne'ebé hela iha Fora husi Dili (92%, kompara ba 83% husi respondente sira ne'ebé hela iha Dili) informa dezafius atu asesu ba media. Entre respondente sira ne'ebé hela iha Fora husi Dili, dezafius prinsipál atu asesu ba media no informasaun mak fundu ne'ebé limitadu atu selu ba koneksaun (46%), laiha fatin atu asesu ba media (30%) no tempu ne'ebé limitadu (29%). Respondente sira ne'ebé hela iha Fora husi Dili mós provável liu atu relata katak sira-nia resepsaun ka sinál ladi'ak (10%, kompara ba 4% husi respondente sira ne'ebé hela iha Dili). Ba respondente sira ne'ebé hela iha Dili, dezafius prinsipál atu asesu ba media mak fundu ka osan ne'ebé limitadu atu selu ba koneksaun (56%), tempu limitadu (33%) no ladún iha koñesimentu kona-ba fontes diferente (12%).

Dezafius perinsipál saida mak ita-boot hasoru bainhira atu asesu ba media? (Top 5)




Persepsaun kona-ba Governu nia envolvimentu iha media

Persepsaun kona-ba kontrolu governu nian ba iha media



Respondente sira barak ne'ebé hela iha Dili senti katak media tenki independente no bele publika istória ka notísia sira ne'ebé kriticu hasoru governu (58%) kompara ba respondente sira ne'ebé hela iha Fora husi Dili (40%).

Persepsaun kona-ba kontrolu governu nian ba ihameius komunikaun sosiál




Respondente sira barak ne'ebé hela iha Dili (62%, kompara ba 50% husi respondente sira ne'ebé hela iha Fora husi Dili) senti katak tuir loloos governu bele kontrola informasaun ne'ebé sira asesu ka apostu iha meius komunikaun sosiál.

Proporsaan boot ida husi feto sira (55%, kompara ba 51% husi mane sira) senti katak tuir loloos governu bele kontrola informasaun iha meius komunikaun sosiál.


ANEKSU 1: Pérfil Respondente nian

Pérfil respondente nian iha kraik ne'e bazeia ba dadus naun-ponderadu (kontajen brutas ba repondente sira, la ajusta atu refleta populasaun iha Timor-Leste).

MUNISIPIU




JÉNERU




Pursentu ida husi respondente sira identifika hanesan jéneru seluk ka la dehan sai sira nia jéneru


IDADE



NÚMERU EMA MAK HELA IHA UMA-LARAN




RENDIMENTU MENSÁL UMA-KAIN NIAN



EDUKASAUN

Maioria respondente sira (58%) tenta ka komplementa ona forma balun husi edukasaun formál to'o iha ensinu sekundáriu. Apenas minoria (9%) mak kontinua ka komplementa formasaun universitária. Nível sira edukasaun nian ne'e aas liu entre mane sira (11% mak komplementa ona pelumenus formasaun universitária balun ka aas liu, kompara ba 8% husi fetos sira) no respondente sira ne'ebé hela iha Dili (20%, kompara ba 7% husi respondente sira ne'ebé hela iha Fora husi Dili).

Nível edukasaun aas liu mak komplementa ona




Pursentu ruanulu resin-sia (29%) husi respondente sira mak la komplementa edukasaun. Respondente sira barak ne'ebé hela iha Fora husi Dili seidak komplementa nível edukasaun ruma (35%, kompara ba 13% husi respondente sira ne'ebé iha Dili).

Proporsaan boot ida husi respondente sira ne'ebé hela iha Dili tenta ka komplementa ona ensinu sekundáriu (33%, kompara ba 19% husi respondente sira ne'ebé hela iha Fora husi Dili) no universidade (16%, kompara ba 6% husi respondente sira ne'ebé hela iha Fora husi Dili).

Proporsaan hanesan husi fetos sira (29%) no mane sira (29%) mak seidak komplementa nível edukasaun ruma. Aleinde ne'e, proporsaan ida kuaze hanesan husi fetos sira (15%) no mane sira (14%) mak komplementa ona ensinu sekundáriu. Entantu, proporsaan boot ida husi mane sira (11%) mak komplementa ona pelumenus estudu universitáriu ka pós-graduasaun balun kompara ho fetos (8%).

Karik ita-boot iha difikuldade atu...



STATUS DEFISIÉNSIA

Levantamentu Tatoli! 2022 rekolla respondente nia impedimentu no/ka defisiénsia liuhusi utilizasaun ba konjuntu ki'ik husi perguntas Washington Group nian.⁵ Hirak ne'e kobre nível difikuldade auto-informadu iha funsaun neen: vizaun/haree, raronak, mobilidade, kognisaun, auto-kuidadu, no komunikasaun. Aliñadu ho matadalan Washington Group nian, respondente ida ne'ebé mak relata nível aas husi difikuldade ka inkapasidade atu dezempeña pelumenus funsaun hirak ne'e ida mak konsideradu nu'udar portadór defisiénsia ida. Bazeia ba metodolojia ida-ne'e, respondente sira nain 165 (6.6%)– mane nain 97, fetos 64, transjéneru ida, no nain neen la deklaradu–mak nu'udar portadór defisiénsia.⁶

⁵Perguntas Washington Group (WG) nian ne'e rekoñesidu iha nível internasionál nu'udar métodu primária ida atu kaptura impedimentu no/ka defisiénsia através konjuntu perguntas ida uniformizada. Levantamentu Tatoli! 2022 nian utiliza perguntas WG Short Set kona-ba Funsonamentu. Haree: <https://www.washingtongroup-disability.com/>

⁶Depoizé aplika tiha ponderasaun estatística ba rezultadu sira, proporsaan husi amostra ne'ebé nu'udar portadór defisiénsia mak 5%.

ANEKSU 2: METODOLOJIA DETALLADA

Kestionáriu ne'e dezenvolve oinsá?

Fundasaun Ázia mak lidera elaborasaun ba kestonáriu, no ORIMA Research mak fó konsellu bainhira apropiadu. Pergunta sira foti husi peskiza anteriór ne'ebé Fundasaun Ázia realiza ona, inklui Levantamentu Tatoli! anteriór no mós levantamentu COVID-19 nian. Fundasaun mak supervizona programasaun no tradusaun ba kestonáriu sira ba iha Open Data Kita (ODK), plataforma software levantamentu nian ida ho kódigu-nakloke (open-source survey software platform).

Oinsá mak dezenvolve kuadru amostra nian no mós oinsá mak realiza levantamentu ne'e?

Iha tinan 2022, Fundasaun halo entrevista ho respondente adulta nain 2,489 husi munisípiu 13 hotu (inklui RAEOA).⁷ Amostra ne'e estratifikada tuir munisípiu no jéneru, bazeia ba estimasaun populasaun mais resente husi Diresaun Jerál Estatístika, Ministériu Finansa nia Sensus Nasionál 2015.

Levantamentu ida-ne'e realiza através entrevista direta iha nível aldeia, ho uma-kain ualu ne'ebé hili ho forma aleatória iha kada aldeia.

Atu realiza serbisu terrenu nian, Fundasaun halo parseria ho organizaun sira TRAIN nian. Ekipa husi Fundasaun nian mak halo kontaktu telefónika hikas fali ba fins validasaun nian, no lahetan problema boot ruma. Monitorizasaun realiza mós husi ekipa husi Fundasaun nian.

Kuaze peskiza hotu-hotu ne'e realiza iha lian-Tetum, no balun realiza iha lian sira seluk hanesan Bunak, Makaleru, Fatuluku, Bahasa Indonézia, Kemak, Galolen, Makasae no Baikenu.

Janeiru 2022

Mane iha Dili	294
Feto iha Dili	328
Seluk iha Dili	2 ⁸
Mane la'ós iha Dili	862
Feto la'ós iha Dili	839
Seluk la'ós iha Dili	36 ⁹

Lista amostra	2,489
Rejeita	0
Serbisu terrenu hahú	21 Jan 22
Serbisu terrenu ramata	02 Feb 22
Durasaun Médiu husi entrevista¹⁰	49m18s
Númeru entrevistador	70

⁷Kuadru amostra ba Levantamentu Tatoli! 2022 nian ne'e kompleta molok Illa Atauro designadu nu'udar Timor-Leste nia munisípiu da-14, administrativamente haketa nia husi munisípiu Dili.

⁸Respondente sira nain rua mak identifikadu nu'udar naun-bináriu (1) no transjéneru (1)

⁹Respondente sira tolunu resin-noon husi respondente sira mak prefere atu la temi sira-nia jéneru.

¹⁰Durasaun média nian kalkuladu depoisde esklui tiha kazu 288 iha-ne'ebé parte durasaun entrevista nian ne'e inválidu ka durasaun liu oras 4, provável liu tanba la hanehan butaun final "submisaun" nian.

Medidas saida de'it mak foti hodi garante katak dadus ne'e representa duni populasaun iha Timor-Leste?

Peskiza ne'e dezeña atu sai representativu to'o iha pontu posível ba populasaun adulta (17+)¹¹ iha Timor-Leste hanesan define iha Sensus 2015 nian.

Amostra ne'e ponderadu tuir dadus populasaun nian ne'ebé define iha sensus 2015. Ida-ne'e atu korrije enviezamentu iha resposta husi respondente sira meia-idade, nune'e mós ho sub 0 amostrajen ki'ik husi áreas urbana nian. Ponderasaun ba Métodu Iterativu Aleatóriu [Random Iterative Method] (RIM) nian uza pakote anesrake iha R studio mak eskollidu nu'udar métodu ponderasaun ne'ebé apropriadu liu ho konsiderasaun ba komparabilidade iha futuro, simplisidade no representasaun ba populasaun. Variável sira ne'ebé uza ba ponderasaun, proporsaan sira iha populasaun nia laran no proporsaan sira ne'ebé naun-ponderadu ne'e mak hanesan hatudu iha table iha parte liman-loos.

Sa de'it mak etapas ne'ebé foti iha prosesamentu ba dadus?

Bainhira ORIMA simu tiha dadus, hafoin sei realiza etapas prosesamentu ba dadus hanesan tuirmai:

- Halo verifikasaun ba duplikadu no verifikasaun ba speeder.
- Respostas ba perguntas sekuensial iha Tetum ne'e Fundasaun mak halo nia tradusaun.
- Respostas "La hatene" iha pergunta sira ne'ebé presiza hetan resposta barak ne'e halo ho eskuzivu.
- Halo kodifikasaun reversa bainhira apropriadu.
- Rótulus ba variável no rótulus ba valór nian verifikadu no modifikadu hodi serbí ba fins relatóriu nian.
- Halo ponderasaun tuir ne'ebé hato'o iha leten.

Resposta sira ne'ebé indika tipu naun-resposta nian (hanesan "La hatene", "La aplikável" no "Rejeita") ne'e hasai tiha ona husi baze iha relatóriu ida-ne'e, hanesan iha tinan sira anteriór.

	Populasaun (N=634,477)	Tatoli 2022 UW (n=2,489)
Idade		
17-24	25%	8%
25-34	26%	23%
35-44	17%	22%
45-54	13%	19%
55-64	9%	16%
65 ba leten	11%	12%
Jéneru¹²		
Mane	50%	49%
Feto	50%	49%
Lokalidade		
Rurál	68%	74%
Urbana	32%	26%
Munisípiu		
Aileu	4%	4%
Ainaro	5%	5%
Baucau	10%	10%
Bobonaro	8%	8%
Covalima	6%	6%
Dili	26%	25%
Ermera	10%	11%
Lautem	5%	5%
Liquica	6%	6%
Manatuto	4%	4%
Manufahi	4%	4%
Oecussi	6%	5%
Viqueque	6%	6%

¹¹Proporsaan populasaun ba populasaun adulta ho idade tinan 18+ ne'e uza de'it hanesan n=6 respondente sira mak ho idade tinan 17.

¹²Observa 1% husi respondente sira mak identifikadu nu'udar transjéneru, naun-binária ka lahateten sai sira-nia jéneru.

Oinsá hau bele iha konfiansa ba rezultadu sira?

Marjen erru estatístiku nian ne'e kalkula uza pursentajen proporsaun 50% ho nível konfiansa 95% no bele uza hanesan gia jerál ida bainhira determina karik rezultadu sira-ne'e diferente duni ka keta purakazu de'it. Faktór sira seluk, hanesan métodu amostrajen, parsialidade naun-resposta no erru iha medisaun nian mós tenke tau iha konsiderasaun bainhira interpreta rezultadu sira. Figura sira iha testu laran ne'ebé sinalizada iha forma diferente entre sub-grupu sira-ne'e haree ba katak signifikante pelumenus ba kategoria ida seluk tan wainhira uza Welch T-test ho intervalu konfiansa 95% iha interfase cTables SPSS nian. Análize ba diferensa entre sub-grupu sira-ne'e submete ba marjen erru sira ne'ebé aas liu no teste hirak ne'e fó konsiderasaun ba ida-ne'e. Teste sira-ne'e la subliña bainhira diferensa iha sub-grupu nian la eziste.

Marjen erru nian ho interval konfiansa 95% ba kada munisípiu

Munisípiu	Tamañu amostra nian	Marjen erru nian (95%CI)
Nasionál	2,385	2.0%
Aileu	104	9.6%
Ainaro	120	8.9%
Baucau	248	6.2%
Bobonaro	199	6.9%
Covalima	138	8.3%
Dili	624	3.9%
Ermera	279	5.9%
Lautem	128	8.7%
Liquica	152	7.9%
Manatuto	96	10.0%
Manufahi	112	8.0%
Oecussi	136	8.4%
Viqueque	153	11.0%

Kona-ba Fundasaun Ázia

Fundasaun Ázia nu'udar organizasaun dezenvolvimentu internasionál naun-lukrativu ne'ebé iha kompromisu atu hadi'ak ema nia moris iha rejiaun Ázia ne'ebé dinámiku no dezenvolve daudaun hela. Informadu husi esperiénsia iha dékada neen nia laran no mós koñesimentu lokál ne'ebé kle'an, ami-nia serbisu iha rejiaun ida-ne'e foka ba governasaun di'ak, empoderamentu ba fetu no igualdade jéneru, kreximentu ekonómiku inkluzivu, asaun ambientál no klimátika, no mós relasaun rejionál no internasionál. Iha Timor-Leste, Fundasaun agora daudaun foka ba hametin governasaun no polítika, hapara violénsia kontra fetu, dezenvolve turizmu inkluzivu, no mós promove pás no justisa.

Atu hetan informasaun kona-ba Fundasaun Ázia, favór vizita asiafoundation.org, ka kontaktu:

Héctor Salazar Salame – Representante Nasionál – Dili, Timor-Leste
hector.salazar.salame@asiafoundation.org

Kona-ba ORIMA Research

ORIMA Research nu'udar empreza Australianu nian ida iha área peskiza sosiál ne'ebé espesializada iha sektór sira governamentál no mós lukru-laek nian. ORIMA halo serbisu kleur ona ho Fundasaun Ázia desde 2015, inklui iha área prosesamentu ba dadus, metodolojia levantamentu no análize no mós relatóriu.

Atu hetan informasaun liutan kona-ba ORIMA Research, favór vizita ami-nia website www.orima.com.au, ka kontaktu:

David Bruce – Parseiru – Canberra, Australia
david.bruce@orima.com

Povu Nia Hanoin



TATOLI!